

Tua ciangin Rom galkapte in a han dalna suang ciamtehin, a han a cing uh hi. Tu'n bel kuamah han sungah sungtum theilo-in, zong pusuak theilo hi.

19



Hih bangin Jesu tangthu bei mawk leh bangzah ta-in dahhuai ding a hi hiam. Ahizongin Pasion in a lamdang mahmahin a na hong sem hi. Jesu si paisuak lo hi.

20



Nipini khít a nimasa ni zingsangin Jesu' nungzui mipawl khatin hansuang kikhukkhia a mu uh hi. Hansung a et uh hangin, Jesu na om nawnlo hi.

21



Han kiangah numei khat kapin, a om den hi. Tuanu' kiangah Jesu hong kilaak hi! Lungdamlua in hih thupiang a nungzui dangte hih dingin a taikik pah hi. "JESU HINGKIK HI! JESU SIHNA PANIN HINGKIK HI!"

22



# Thawhkikni Masapen

Tua khít a sawt loin Jesu a nungzuite kiangah hong kilaakin, a kikhilhetna khutmapawnte a lak hi. Hi takpi hi, JESU HINGKIK HI! Jesu in Peter' mawhna maisak a, mi khempueh tungah ama thu a tangko dingin a nungzuite a sawl hi. Tua khít ciangin a hong kipatna vantunggam ah Jesu a ciahkik hi.


23

Thawhkikni Masapen  
 Pasion kammal pana a hong suak hih tangthute a nuai a Laisiangtho  
 munte ah kimu thei hi  
 Mathai A Lian 26-28, Luka A Lian 22-24,  
 Johan A Lian 13-21  
 "Na thu gentelna in Khuavaksak hi."  
 Late Nambat 119:130

A Gelh Edward Hughes  
 A Lim lak Janie Forest  
 A Let S. Thangboi Hatlangh  
 A Kaikhawm Lyn Doerksen  
 Tangthu 54 pan 60  
 M1914.org  
 Bible for Children, PO Box 3, Winnipeg MB R3C 2G1 Canada  
 Phalna: Hih tangthubu zuaksawn ding ahieh kei buang leh teisawn leh khetkhiat kiphah hi.

Pasion in mawhna hia a ngaihsut na hoieh lo tampi i sep lamtak a hong thei hi. Mawhna thaman in sihna a hihi.  
 Pasion in eite hong it mahmah ahieh manin, eite' mawhna hanga singlamteh tunga sihna a thuak dingin a tapa Jesu a hong sawl hi. Tu-in Jesu thokikin, vantunggam om hi.  
 Tua ahieh manin Pasion in i mawhnate tu-in hong maisak theita hi.  
 Na mawhna pan a na suahtak nop leh Pasion kiangah hih bangin thungen in: Topa Pasion aw, ka Topa Jesu kei a dingin si-in, tu in thokik zo hi, cih ka um hi. Nuntaknathak ka neihna ding leh a tawntung in na kiangah ka hong om theihna dingin, hehpihin ka sungah hong teng in la, ka mawhnate hong maisak in. Amen. Johan 3:16  
 Laisiangtho sim in la, Pasion a nisimin hopih in!

Tedim Chin



Tua gamlum henhanna Mualpang ah numeinu ding a, dah mahmahin a lipkhaphuai tua thupiang a en hi. A tapa a si ding hita hi. Tua numeinu pen Jesu' nu Mary hi a, a tapa kikhilhetna singlamteh kiang' mun gamla lo khat ah a ding hi.

Hih thu bang hong ci piantheih a hi hiam? Hi zah a nuntaknuam a nungta kim lai Jesu, bang hangin lipkhaphuaitakin a nuntakna mawk bei theih ding a hi hiam? Bang hangin Pasion in a Tapa singlamteh tunga sihna a thuak dingin koih khong thei a hi hiam? Jesu in ama hihna gen khial kha hi ding hiam? Pasion a guallel himawkw hiam?


1

2



Hilo hi, Pasion guallel dek lo hi. Jesu in sepkhialh khat beek nei lo hi. Migilote in amah a thahlup ding lamtak Jesu in tel mahmah hi. Jesu, a ngeek lai-in, a khangham Simeon in Mary kiangah hih bang dahna a tuah ding thu na genkhol zo hi.

3




Jesu a a kithah hun ding a tun ma deuh, nikhat nungak khat in paknamtui sathau tawh Jesu khe a zutsak hi. A nungzuite in, "Hih numei in dangka tampitak a mawkna-in beisak hi," a ci uh hi. Aizongin Jesu in, "Hih numeinu in na hoih khat a sem a hihi. Amah in ka kivuina ding a bawl a hihi," a ci hi. Hih bang kampau bel lamdang hi!

4




Tua khit a sawt lo in, Jesu nungzui sawmlehnite lak a khat- Judas a kicipa in sumngo dangka 30 tawh Jesu lehheek dingin Siampiliante tawh thukinna a bawl hi.

5



Jew mite Pisan pawi ni in Jesu leh a nungzuite in a tawpna pen dingin an a nekhawm uh hi. Tua nitakin Jesu'n Pasion' thupizia leh amah a it mite tunga Pasion' kamciamte a nungzuite a genpih hi. Tua ciangin Jesu in a nungzuite' neekkhop ding anlum leh hai a hawm hi. Jesu' pumi leh sisan in amaute mawhnate maisak hi, ci a phawk tawntungna ding uh deihna tawh hih banga a bawl ahi hi.

6




Tua ciangin Jesu'n a lawmte kiangah, "kei a hong kilehheek hun ciangin note in na hong taimang san ding uh hi," a ci hi. Peter in, "Kei bel taimang buang kei ning," ci-in a pang hi. Ahizongin Jesu in, "Ak khuanma-in thumveitak na hong nial khin ding hi," a ci hi.

7



Tua nitak mahin, Gethsemane huan sungah thungen dingin Jesu a va pai hi. Amah tawh a omkhawm, a nungzuite-in a ihmutsan uh hi. Jesu'n, "Pa aw, ... hih hai tawh hong kipelhsak in. Ahizongin keima deihna bang hilo-in, nangma deihna bang hizaw hen," ci-in thu a ngen hi.

8



Thakhat in mihonpi tua huansungah Judas makaihna tawh hong lut uh hi. Jesu na pang lo hi. Ahizongin Peter in mikhat' bil satkhiatsak a, Jesu'n tua mipa' bil a khut tawh lawnsakin a damsak hi. Hih banga a kimatna pen Pasion' deihna ahih lam Jesu'n a tel mahmah hi.

9



Mipite in Siampi lianpenpa inn ah Jesu a hong paipih uh hi. Tua lai a om Jew uliante in Jesu thah ding a ngaihsun uh hi. Tua hun laitakin a gei mahmah a nasemte meilum awina mun panin Peter in Jesu a galet hi.

10



Hua lai a om mi pawlkhatin Peter enin, "nang pen Jesu tawh a kihawl ngei mikhat na hihi," ci in thumvei tak a ngawh uh hi. Thumvei tak mah Jesu gen bang tekin Peter in nial a, a thei kha ngeilo bang kekin kiciampha kikkik hi.

11




Tua khit lianin, Ak hong khuang hi. Peter a dingin Ak khuan pen Pasion aw tawh kibang hi. Amah in Jesu thugente phawkkikin, nakpitakin a kap hi.

12




Judas zong a gamtat khialna hong kiphawk hi. Jesu mimawh ahilh lohna leh mawhna a bawl loh lam a thei hi. Dangka 30 a lak pen siampite kiangah va tawikik a, ahizongin amau na sang nuam lo uh hi.

13



Judas in tua sum paimang a, innkong ah pusuakin, amah leh amah a va kigui-awk hi.

14



Rom gam ukpa, Pilate kiangah siampite in Jesu a hong paipih uh hi. Pilate in amaute kiangah, "hih mipa a mawhna ding bangmah ka mu kei hi," a ci hi. Ahizongin mipite kiko-in, "Singlamteh tungah khailum in,

khailum in," ci in a awng uh hi.

15



A tawpna ah Pilate in, Jesu singlamteh tunga kilhlup dingin thu a khensat hi. Tua ciangin galkapte in Jesu tum gawpin, cilphihin, a sat gawp lai uh hi. Zahko-in, a kumpi lukhu dingin linglukhu a lutungah khusak uh hi. Tua khit ciangin singlamteh tungah sihna a thuak dingin singlamteh tawh a kilhden uh hi.

16



Hih bang a si ding ahilh lamtak Jesu in na thei gige hi. Ama' sihna hangin amah a muang mikhempeuh in mawhmaisakna a ngah ding lamtak zong a thei gige hi. Jesu ziat leh vei ah migilo nih zong a kikhai hi. Khat pa in Jesu um ahilh manin Paradise mun ah pai a, ahizongin a dang khatpa in bel a um kei hi.

17



Hun sau veipi a thuak khith ciangin, Jesu in, "Manta Hi," ci-in a si hi. A nasep manta hi. A lawmte in midang khat hansungah Jesu a vui uh hi.

18